

"Terima kasih kepada jurulatih Balamurugan yang sentiasa memberi sokongan dan juga Morne kerana melatih saya dan rakan lain di Afrika Selatan ini"

Zaidatul Husniah Zulkifli

Aida Adilah Mat
aida_adilah@hmetro.com.my

Kuala Lumpur

Angka 24 bagaikan sironim buat pelari negara Zaidatul Husniah Zulkifli. Pada usia 24 tahun dia berjaya memadamkan rekod kebangsaan 100 meter (m) berusia 24 tahun milik G Shanti.

Biarpun menamatkan larian di tempat kedua pada acara akhir perlumbaan kedua di Kejohanan ASA Speed Series 2 di Stadium Mangaung Athletics Bloemfontein Afrika Selatan awal pagi semalam, Zaidatul melakarkan sejarah baru olahraga negara apabila dia kini bergelar pemegang rekod baru kebangsaan 100m wanita menerusi catatan 11.45 saat dengan tiupan angin 0.4 meter per saat (mps).

Dia meleburkan rekod 11.50s yang dilakar G Shanti di Kuala Lumpur pada 7 Mei 1993.

Zaidatul bagaimanapun tewas 0.01 kepada pelari Universiti Western Cape Tamzin Thomas pada perlumbaan itu. Tempat ketiga milik atlet Universiti Johannesburg Tsane Sebele, 11.48s.

Namun, atlet kelahiran Kedah itu cukup berpuas hati dengan pencapaian itu dan kejayaan berkenaan adalah hasil bantuan jurulatih M Balamurugan dan jurulatih dari Afrika Selatan Morne.

"Alhamdulillah. Selepas melalui perjalanan yang panjang, akhirnya saya merekodkan catatan masa terbaik peribadi dan juga rekod kebangsaan."

24 ANGKA BERTUAH

Zaidatul pada usia 24 tahun pecah rekod kebangsaan 100m berusia 24 tahun milik Shanti



ZAI
DATUL
permata baru
olahraga
negara.

“

Alhamdulillah. Selepas melalui perjalanan yang panjang, akhirnya saya merekodkan catatan masa terbaik peribadi dan juga rekod kebangsaan”

Zaidatul Husniah Zulkifli

Atlet yang dikenali dengan panggilan Adik dalam kalaangan rakan sepelatih berkata, kejayaannya itu juga didorong

sokongan keluarga dan juga kakak kembarnya Zaidatul Husna.

Awal pagi semalam, Zaidatul bangkit menebus kegagalan minggu lalu untuk ber gelar pelari pecut terbaik negara.

Sabtu lalu, catatan Zaidatul 11.36s yang dilakukan di Kejohanan AGN League 7 di Afrika Selatan tidak diiktiraf sebagai rekod kebangsaan berikutan tiupan angin mencapai 2.5 mps, melebihi 2 mps yang dibenarkan.

KEJOHANAN ASA SPEED SERIES 2

FINAL

1 Tamzin Thomas	11.46s
Universiti Western Cape	
2 Zaidatul Husniah Zulkifli	11.45s
Malaysia	
3 Tsane Sebele	11.48s
Universiti Johannesburg	
4 S Komalam	11.72s
Malaysia	
5 Shanice Marne	12.05s
Universiti KWA-Zulu Natal	

Sukan SEA tetap fokus utama

Kuala Lumpur: "Fokus utama tetap Sukan SEA," tegas jurulatih atlet pecut wanita negara Zaidatul Husniah Zulkifli, M Balamurugan (gambar).

Kata Balamurugan, biarpun Zaidatul memperkenalkan aksi cukup memberangsangkan berikutan kejayaannya melakarkan rekod baru kebangsaan dalam acara 100 meter (m) wanita dengan catatan 11.45 saat (s), beliau tidak mahu anak didiknya hilang fokus.

Bagaimanapun, beliau memuji semangat ditunjukkan Olimpian negara itu apabila

mampu mengekalkan rentak larian konsisten sejak daripada kejohanan pertama, Sabtu lalu.

"Memang tidak dinafikan dia kecewa Sabtu lalu kerana catatannya tidak direkodkan sebagai rekod kebangsaan, tapi Zaidatul tidak putus asa."

"Dia berlari hari ini (di Kejohanan ASA Speed Series 2) dengan penuh semangat."

"Bukan hanya Zaidatul, rakan pasukannya seperti Siti Fatimah Mohamad, S Komalam dan Shereen Samson Vallabouy juga melakukan catatan masa terbaik peri-

badi," katanya.

Justeru, menjelang temasya Sukan SEA yang bakal berlangsung dari 19 hingga 31 Ogos ini, Balamurugan akan memastikan prestasi anak diikunya kekal konsisten.

Di kejohanan sama kuartet wanita negara dibarisi Zaidatul, Komalam, Shereen dan Nurul Faezah Asma Mazzlan merekodkan 45.71s untuk menduduki tempat kedua, tewas kepada barisan pelari tuan rumah yang mencatatkan 45.16s dan ketiga kuartet Universiti Freestate, 48.08s.

